



Broj predmeta: 13-002604/23
Broj akta: 01.1-1528ZN-0011/23
Datum, Mjesto, 20. 12. 2023.. godine
Brčko

Na osnovu člana 17 stav (2) Zakona o Vladi Brčko distrikta BiH («Službeni glasnik Brčko distrikta BiH»), broj: 27/23 - prečišćeni tekst,) u skladu s članom 25. Zakona o javnim nabavkama («Službeni glasnik BiH», broj 39/14 i 59/22), člana 10. stav (1) tačka b) Instrukcije o organizaciji i internom postupanju u postupcima javnih nabavki u Brčko distriktu BiH BiH broj:02-000209/22 od 18.1.2023. godine („Službeni glasnik Brčko distrikta BiH broj: 3/2023), Zapisnika o pregledu i ocjeni ponuda sa preporukom Komisije za javne nabavke broj: 13-002604/23 od 7.12.2023. godine i Mišljenja Brčko distrikta BiH broj:M-1595/23 od 19.12.2023. godine, gradonačelnik Brčko distrikta BiH d o n o s i,

ODLUKU O IZBORU NAJPOVOLJNIJEG PONUĐAČA

Član 1.

(1) U provedenom otvorenom postupku za nabavku radova asfaltiranja i uređenja terena za parking vozila za potrebe Policije Brčko distrikta BiH, izabran je najpovoljniji ponuđač kojem se dodjeljuje ugovor.

Naziv najpovoljnijeg ponuđača je „PAPILON“ d.o.o. Čelić.

Vrijednost ugovora sa uračunatim PDV-om iznosi **540.845,89 KM.**

Član 2.

Postupak je proveden na osnovu Odluke o pokretanju postupka javne nabavke broj: 14.04.1-13-1706/23 od 26.9.2023. godine, Obavještenja o nabavci na portalu javnih nabavki broj: 1157-1-3-398-3-698/23 od 24.10.2023. godine, predmjera radova u vezi sa Tenderskom dokumentacijom broj: 13-002604/23 i ponuda ponuđača.

Član 3.

Finansiranje navedene nabavke će se izvršiti iz kapitalnog budžeta za 2022. i 2023. godinu, organizacioni kod 13010001-Uniformisana, Krim. policija i dr., ekonomski kod 821600, pozicija: „Asfaltiranje parking prostora za vozila“, šifre projekata: 13994 i 13416.

Образложење

Komisija za nabavke je nakon izvršenog otvaranja ponuda konstatovala da je dostavljeno sedam ponuda, ponuđača: „Santovac“ d.o.o. Brčko, Grupa ponuđača „Grupa Fortis“ d.o.o. Banja Luka i „Bijeljina put“ d.o.o. Bijeljina, „Roading“ d.o.o. Gračanica, „Galax niskogradnja“ d.d. Brčko, „Papilon“ d.o.o. Čelić, „Balegem“ d.o.o. Gradačac i „Eko prom“ d.o.o. Brčko. Sastavni dio odluke čini zapisnik sa otvaranja ponuda, zapisnik o pregledu i ocjeni ponuda i izvještaj o toku i završetku e-aukcije. Ponude su prihvatljive prema obliku, sadržaju, potpunosti i načinu pripreme i dostave ponude. Ponuđači su ocijenjeni kao kvalifikovani jer su ispunili kvalifikacione kriterije u skladu sa članom 45. do 51. Zakona. Ponude su prihvatljive u pogledu opisa predmeta nabavke i predmjera radova. Utvrđeno je postojanje računskih greški u ponudama „Papilon“ d.o.o. Čelić i „Santovac“ d.o.o. Brčko za koje su ponuđači dostavili saglasnost za ispravku. Nije bilo elemenata za postojanje neprirodno niske cijene ponuda. Izvršena je e-aukcija i došlo je smanjenja cijena u odnosu na cijene sa otvaranja ponuda. Iznos prihvatljivih ponuda je bio u okviru procijenjene vrijednosti nabavke. Dostavljena ponuda je bila u okviru procijenjene vrijednosti nabavke. Komisija je u skladu sa kriterijem najniže cijene dostavila preporuku o izboru najpovoljnijeg ponuđača u postupku nabavke.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjeljenju za javne nabavke,
2. Ponuđaču,
3. Gradonačelniku,
4. Policiji,
5. Arhivi.

